

I. DEPUTACIÓN PROVINCIAL DE OURENSE

DEPUTACIÓN PROVINCIAL DE OURENSE

EXTRACTO DAS BASES REGULADORAS DA CONVOCATORIA DO CONCURSO PÚBLICO PARA A CONCESIÓN DE SUBVENCIÓNS PARA ENTIDADES SOCIAS SEN ÁNIMO DE LUCRO PARA PROXECTOS DE CARÁCTER SOCIAL ANO 2026

Extracto das bases reguladoras da convocatoria do concurso público para a concesión de subvencións para entidades socias sen ánimo de lucro para proxectos de carácter social ano 2026

BDNS (Identif.): 897473

De acordo co disposto nos artigos 17.3.b e 20.8.a da Lei 38/2003, do 17 de novembro, xeral de subvencións, publícase o extracto da convocatoria, cuxo texto completo se pode atopar na Base de Datos Nacional de Subvencións:

(<https://www.infosubvenciones.es/bdnstrans/GE/es/convocatoria/897473>)

Obxecto da subvención

Constitúe o obxecto destas bases a regulación da convocatoria pública, por parte da Deputación Provincial de Ourense, para a tramitación e concesión de subvencións, en réxime de concorrencia competitiva, destinadas a asociacións e fundacións sen ánimo de lucro para financiar a realización de proxectos cuxa finalidade sexa mellorar a saúde, calidade de vida, atención social e sanitaria, colaborar na prevención e anticipación a situacións de vulnerabilidade e desigualdades sociais, a través do desenvolvemento de actuacións de información, orientación, apoio ou rehabilitación de persoas con situacións de vulnerabilidade, discriminación ou desigualdade social na provincia de Ourense para o ano 2026.

Beneficiarias

Poderán obter a subvención como beneficiarias as entidades con personalidade xurídica e sen ánimo de lucro legalmente constituídas para proxectos que se dirixan a persoas con residencia na provincia de Ourense.

Ás entidades beneficiarias esixiráselles que teñan o seu domicilio social, centro de actividades autorizado na provincia de Ourense e/ou centro de atención continua ao público con horario de apertura coñecido e accesible para atención presencial. Para iso teranse en conta os datos que consten no Rexistro de Entidades prestadoras de servizos sociais da Xunta, ou, no seu caso, un centro de atención diúrno/residencial na provincia de Ourense, así como datos de constancia de existencia dun centro de atención continua ao público con horario coñecido e atención presencial.

Os proxectos deberán dirixirse a algunha das seguintes liñas:

LIÑA A) Mantemento de prazas residenciais destinadas a persoas con adicións, e/ou persoas e/ou familias con riscos de exclusión social severa, así como proxectos de cobertura de necesidades básica de primeiro nivel e/ou emerxencia social con axudas directas a persoas beneficiarias.



LIÑA B) Sostemento económico para o desenvolvemento de entidades con proxectos, actividades e/ou iniciativas dirixidos a:

Colectivos afectados por “enfermidades crónicas”

Colectivos, persoas e/ou familias afectados por alta vulnerabilidade social

LIÑA C) Actividades puntuais de sensibilización, encontro ou visibilidade.

Solicitudes: prazos, lugar de presentación e documentación:

As solicitudes deberanse presentar de maneira telemática, a través do rexistro xeral da Deputación de Ourense asinada electronicamente pola persoa que ostente a súa representación. O emprego de medios electrónicos para a formulación da solicitude terá carácter obrigatorio, ao abeiro do establecido no artigo 14.2 da Lei 39/2015, do 1 de outubro, polo que non se admitirá a trámite ningunha solicitude que se formule por outros medios.

Para a presentación da solicitude terá que utilizarse o formulario normalizado que está accesible desde a páxina web da Deputación de Ourense: <http://www.depourense.gal>

O prazo improrrogable de presentación será dun (1) mes, contado a partir do día seguinte ao da publicación na BDNS e destas e o seu extracto no Boletín Oficial da Provincia de Ourense. Para estes efectos entenderase como último día do prazo o correspondente ao mesmo ordinal do día da publicación. Se o último día do prazo fose inhábil, entenderase prorrogado ao primeiro día hábil seguinte e, se no mes do vencemento non houberse día equivalente ao inicial do cómputo, entenderase que o prazo expira o último día do mes.

Gastos subvencionables:

Considéranse gastos subvencionables aqueles que, atopándose incluídos nos conceptos recollidos no artigo 29 da Lei 9/2007, de subvencións de Galicia, formen parte do desenvolvemento dos proxectos obxecto desta convocatoria e que cumpran os seguintes requisitos:

Que foron ocasionados con motivo da realización do proxecto/actividade aprobado e garden estreita relación co seu contido.

Que exista constancia documental da súa realización ou da existencia de recursos residencial-aloxamento obxecto da subvención. No caso de presentar facturas simplificadas para esta acreditación deberán conter, obrigatoriamente, o CIF destinatario deberá ser coincidente co CIF beneficiario da subvención.

Que se realicen dentro do prazo de execución do proxecto. Para os efectos de xustificación do gasto o prazo de execución será o comprendido entre o 1 de xaneiro de 2026 ata o 15 de decembro de 2026.

Que exista coherencia entre a porcentaxe de imputación e o proxecto subvencionado.

Quedan expresamente excluídos dos gastos subvencionables:

Tickets, gastos de reposición de combustible, gastos de aparcadoiros e peaxes de autoestradas, sen prexuízo de que tales gastos si se consideren subvencionables cando se incorporan como indemnizacións por razón de servizo e xustifícanse legalmente como tales.





Igualmente quedan excluídos os gastos e/ou proxectos de campañas de publicidade, información e difusión sobre a entidade ou os seus obxectivos, xerais ou concretos ou aquelas actuacións que poden ser prestados desde servizos normalizados dispoñibles e accesibles.

Poderán ser subvencionables os gastos correntes das asociacións/fundacións beneficiarias. Entenderanse gastos correntes os referidos ao alugueiro de local, subministracións de enerxía eléctrica, comunicacións telefónicas, correo, material consumible de oficina etc. Para dar conta destes gastos na documentación acreditativa ten que constar a nome do beneficiario/a da subvención, e dirixida ao domicilio social da entidade subvencionada. Non se admitirán gastos dirixidos a unha sede social diferentes á propia do/s domicilio/s social ou aquela documentación onde nos conste o CIF beneficiaria/s.

Ourense, 19 de marzo de 2026. O presidente da Deputación de Ourense.

Asdo.: Luis Menor Pérez.

R. 771

